

DISSERTATIO MEDICO-CHIRURGICA  
IN AUGURALIS  
DE  
OPERATIONE INGUINALI.

QUAM,  
ANNUENTE DEO TER OPT. MAX.

*Ex Auctoritate Magnifici Reëtoris,*

PETRI BURMANNI,

J.U.D. HISTORIARUM, GRÆCÆ LINGUÆ, ELOQUEN-  
TIÆ, POETICES, ET HISTORIÆ FOEDERATI BEL-  
GII PROFESSORIS, ET BIBLIOTHECARI,

NEC NON

*Amplissimi SENATUS ACADEMICI Consensu,  
& Nobilissimae FACULTATIS MEDICAE Decreto,*

PRO GRADU DOCTORATUS,

Summisque in MEDICINA Honoribus & Privilegiis  
ritè ac legitimè consequendis,

*Publico & solemni Examini submittit*

MARTINUS GUILIELMUS SCHWENCKE

Mosa Trajectinus.

*Ad diem 16. Aprilis 1731. hora locoque solitis.*

---

---

LUGDUNI BATAVORUM,  
Apud CONRADUM WISHOFF, 1731.

Digitized by the Internet Archive  
in 2019 with funding from  
Wellcome Library

<https://archive.org/details/b30777835>

E R U D I T I S S I M O

V I R O

D. THOMAE SCHWENCKE,

MED. DOCT: URBIS HAGANAE SENA-  
TORI, ANATOMES ET CHIRURGIAE  
PROFESSORI, EJUSDEM POLIATRO  
PRACTICO FELICISSIMO ETC. ETC.  
FRATRI MEO OMNI OBSEQUIO AT-  
QUE REVERENTIA AD ULTIMOS US-  
QUE CINERES COLENDO.

*hanc Dissertationem Sacram*

*facit.*

MARTINUS GUILIELMUS SCHWENCKE,



THE NATIONAL ARCHIVES  
COLLECTIONS

THE NATIONAL ARCHIVES

THE NATIONAL ARCHIVES  
COLLECTIONS  
OF THE  
UNITED STATES  
DEPARTMENT OF THE INTERIOR  
BUREAU OF LAND MANAGEMENT  
OFFICE OF LAND ACQUISITION  
WASHINGTON, D. C.

THE NATIONAL ARCHIVES  
COLLECTIONS

THE NATIONAL ARCHIVES  
COLLECTIONS

# PROOEMIUM.

**Q**ui Medicinam exercent, operamque huic impendunt omnem, experiuntur tam in anatomicis, quam in practicis, multa a veteribus cognita vel negligi vel deteriorari, multa etiam pro novis tradita magno cum fastu, neutiquam talia esse, qualia inconsideranti apparent. Scio priscos in minoribus nimium accuratos fuisse forte, sed an hinc semper id sequatur quod concludunt, dubito, ut in peritoneaei ejusque laminarum, descriptione quae rursus nimis forte rejicitur a quibusdam hodiernis.

*In praxi inguinalis operatio descripta a Cel-  
so, Aegineta, Aetio, ab hoc quam succincte  
docet casus infra dicendus; neglecta haec opera-  
tio est, sed Rousseti tempore denuo floruit. fere  
obsoleta post eum, Crambem bis & saepius coctam  
iterum apposuerunt, & hoc est quod in hacce disputa-  
tione inaugurali comprobandum erit; quare ope-  
rationem ipsam in hernia incarcerata, cui  
saepius interfui, & oculis manibusque lustravi, hic  
descriptam aequi bonique consulas B. L. rogo.*





# DISSERTATIO MEDICO-CHIRURGICA INAUGURALIS

DE

## OPERATIONE INGUINALI.

### CAPUT PRIMUM.

#### §. 1.

**H**erniae, quae Graecis cele, vox ipsa designat rupturam, (quibusdam, an ita congrue, ramex) latinis, & omnibus fere linguis, quasi rupta pars esset, per quam quidquam præternaturaliter exit; nomen sortitur aliud præmissum a parte elapsa; vel loco; quamcunque rupturam enim sic vocabant; præsertim vero, quæ circa abdomen, hac voce & nomine depingebant veteres; an vero pars rupta, postea erit disputandum.

§. 2. Quid vero per herniam intelligant recentiorum optimi, sic intelliges, *esse nempe tumorem præternaturalem a quacunque parte ex abdominis cavo in alium locum delapsa, sic ut extra cavum hæreat, atque sustineatur, aliquando cum aliquando sine functionum læsione manifesta.*

#### §. 3.



§. 3. Ex qua jam definitione intelliges, me de hernia in genere loqui; quia vero nec ratio nec materiæ hujus prolixitas suadet de omnibus ejus speciebus agere, post justam distinctionem, atque uno verbo tactam differentiam, veras tractare conabor ejusque species, utpote eas, quæ operationi chirurgicæ, si necessitas urgeat, subjiciuntur.

## CAPUT SECUNDUM,

### *De Locis herniarum & Partibus Elabentibus.*

#### §. 4.

**L**ocum si spectes, ubi oriantur, multiplicem invenies, umbilicum, inguina, progressum vasorum cruralium, ipsum ventrem omni in parte, ubi muscoli paululum recedunt, vel inter musculos, vel eorum fibras a sese invicem vi quadam hiantes, fissas, vulneratas; unde & rursus in adjacentes partes ulterius prolapsæ, differentiam quandam oculis subjiciunt; hinc diversa assumunt nomina, quæ differunt vel loco, vel parte elapsa;

§. 5. Loco differunt, ut, si quidquam procidat per umbilicum omphalo-cele, vel exomphalos generali nomine; sed nomina partis elapsæ addendo intelligitur rursus locus & natura herniæ, ut omphalo-enterocele, omphalo-epiplocele, omphalo-entero-epiplocele &c.

§. 6. Bubono-cele in genere dicitur, si quidquam haereat prolapsum extra abdomen in inguine fingens bubonem, distinctum tamen a bubone per materiæ retentionem illic loci, quæ per sua signa noscitur, diciturque hernia incompleta.

§. 7. Si vero idem prolapsum supra os pubis descendat in scrotum vocatur oscheocele, tum est hernia completa. videatur FABRICIUS AB AQUAPENDENTE in cap. LXXIII. de herniis intestinalibus.

§. 8. Nunc a materiæ contentæ differentia, character illi  
differens



differens ut de entero-cele si nempe intestinum contineatur, Epiplo-cele si omentum, sin intestinum portio omenti comitetur, vocatur entero-epiplo-cele, si cum his serofus latex vocatur entero-hydro-epiplo-cele, sin eum intestino aqua, entero-hydro-cele, cum omento, hydro-epiplo-cele: atque ex nominibus his patet, quid contineatur; si aquæ solummodo inveniantur hydrocele, quamvis haec, si in tunica testis vaginali haereat, non dilatata vel rupta interna lamina peritonæi, neutiquam ad hernias veras transferenda sit; eodem enim jure oedema scroti in sacculis pinguedinosus quoque ad hernias transferendum; idque quam false patet ex definitione; est vero generalis morbus panniculi adiposi, atque extensio cellularum; nisi forte aquæ ex abdomine elapsæ per inguen in scrotum supra testem herniam fingere possint, quamvis maxima abdominis extensio ab aquis in ascite doceat id vix hic fieri, pressionem vero aquarum elongare posse peritonæum credo, cum serofus latex inter causas emolliendo peritonæum statuatur.

§. 9. Si vero partes aliae de suo loco procidant supra inguina, quare non & nomen hinc additum earum partium, ut si vesica vel vesicæ pars potius cystocele & qui nominanda ea ut apud RUYSCHIUM si appendicula caeci non modo in inguen, sed extra inguen in scrotum delapsum, Epididymidi accrescat mentita ramicem vel varicocelen, de aliis partibus, ut utero, tubis fallopiæ, observationes constant, HILDANUS in *Epistola de rara & ad miranda hernia uteri*, minus tamen notae veteribus, hinc particularia nomina non dederunt.

§. 10. Ast umbilicus & inguina hic considerata non tantum, sed linea alba sub umbilico quatuor digitorum distantia, inter musculos rectos, peritonæum cum contentis, omento & intestinis prominens extra aponeurosin musculorum abdominis, tumorem herniosum facit; in utroque latere abdominis e regione umbilicali idem fieri experientia docet & vocantur herniae ventrales. reptatum vasorum cruralium extra abdomen sequi contenta abdominis in confesso est.



§. 11. Porro & laesis externis integumentis, & musculis ubicunque locorum, illæso peritoneo, ni id artificiose impediatur hernias oriri & ratio suadet & experientia confirmat. In sequentia etiam symptomata funesta, sæpe ut in aliis herniis veris, & perfectis, satis superque extra omne dubium hanc rem ponunt, si pressionem consideres & constrictionem contentorum, vim musculorum, peritonei & diaphragmatis, videbis facile per omnem locum propelli contenta abdominis non satis resistentem, ut v. gr. per ipsum vulneratum diaphragma in thoracen colon, ventriculus, omentum, hepar irrepsisse &c, ut videre est apud Paræum, Ephemerid. N. C. Glandorpium, Bonetum in sepulchro anatom. &c. per fissum uterum extra vaginam in puerperis intestina Schenkus lib. observat. p. 550.

§. 12. De reliquis quas immerito hernias vocant nihil dicam, ut de sarcocoele, lipaparocele, hydrocele, varicocoele, pneumatocoele &c. utpote non convenientibus cum definitione atque symptomatibus herniarum, sed ut morbi earum partium sunt æstimandi.

## CAPUT TERTIUM.

### *Descriptio locorum ubi herniae oriantur.*

§. 13.

**U**mbilicus, inguina, locus per quem vasa cruralia exeunt, linea alba, praesertim jam considerata sunt, ubi primo breviter notamus.

§. 14. Sepositis externis membranis, musculos rectos abdominis a sterno ortos usque ad umbilicum variis intersectionibus tendinosos praeditos (rarioribus sub umbilico) ubi umbilicus est paululum hiare a se invicem, sicque concedere viam vasis umbilicalibus, arteriis nempe, venae, uracho, & membranæ cingenti a peritoneo productae; musculi re-  
eti



Et vagina clausi a tendinosa expansione obliquorum superiorum, quae tendinosa expansio ab utraque abdominis parte concurrens lineam format albam quam vasa umbilicalia perforant; interne tendinosa pars inferiorum muscutorum concurrit cum praecedenti tum supra rectos tum sub iis. hinc vasa umbilicalia infantis in utero materno non comprimuntur, comprimuntur vero post editum infantem ab actione horum muscutorum in inspiratione, atque sic impediunt, ne sanguis per has partes ire, redireque possit ad placentam, quae compressio impedit ne absolute semper moriatur animal vel infans, quamvis non constringatur ligatura umbilicus, sed haec in transitu.

§. 15. Vasa ista umbilicalia, nempe binae arteriae, ex arteriis Iliacis ortae, juxta latera vesicae positae, inter duplicatam membranam peritonaei decurrentes, (non in cavo abdominis peritoneo accumbentes) transeunt musculis rectis extra abdomen, illicque cum uracho, qui eodem modo ex fundo vesicae supra internam laminam peritonaei colligantur, ac desuper cum vena umbilicali multa pinguedine mersa, eo modo supra peritonaei internam partem sustentata; haec omnia inquam involvuntur peritonaei membrana.

§. 16. Resecto umbilico, quid restat? nihil quam interna membrana atque umbilicalia vasa compressa a musculis inter musculos rectos, peritoneum sub cute cum cute clausum format cicatricem, quam umbilicum vocamus.

§. 17. Relinquitur itaque lamina peritonaei simplex interne huic retractae cicatrici subtenfa, minus resistens pressioni intestinorum, omenti, & ventriculi, & non sustentata musculis in linea alba, hinc si vis major extendens vel disrumpens hanc membranam praesto sit, aderit hernia talis, qualem capite secundo descripsi §. 5.

§. 18. Musculi jam illi recti pergunt, nullis vel rarissimis intersectionibus praediti, inseruntur sub pyramidalibus in osse pubis, medio quorum linea conspicitur alba a tendinosis muscutorum inosculationibus orta atque hic jam fere



patet, quare herniae ventrales magis infra quam supra umbilicum oriantur.

§. 19. Sequitur jam alter locus atque insita particularis praedispositio partis. herniis formandis nempe inguen vel vulgo medicorum dictus annulus.

§. 20. Apertura illa, quae vasa spermatica transmittit ad testem ex abdomine, in sequiori sexu ligamentum rotundum ab ortu & reptatu Valorum spermaticorum incipiendo melius innotescet.

§. 21. Arteriae spermaticae ab anteriori & media aortae parte fere semper ortae sub emulgentium supra inferioris mesentericae principium, fere unico trunco, aliquando duobus, utrinque descendunt lateraliter, antequam vero ad exitum venerunt, perforant primam & infimam peritonaei partem, atque inter hujus duplicaturam decurrentes usque ad annulum internum; externa illa membrana ab omni parte colligitur, atque tunicam vaginalem dat vasis spermaticis & testi relicta interna supra hiatum sive foramen integra, qua clauditur, atque ibi pro operculo inservit, laxe tamen, & ita quidem ut, si trahantur paululum manu Vasa spermatica, ea membrana imposita inter musculos sequatur, finumque formet digiti capacem.

§. 22. Spatium inter musculos majus quam capiendis his vasis necessarium efficit, ut facilius hic quoque sacculus formetur, praesertim in mulieribus, magis adhuc post puerperium, quae laxioris texturae sunt, egregie experimentis sumptis id confirmatur, namque in illis ligamentum rotundum, eodem modo ac vasa spermatica in viris, ex laterali uteri parte ortum inter duplicatam laminam elevatur ex pelvi supra eminentiam ossis pubis, non recta pergens, sed primo sub osse pubis in pelvi quasi circuli partem ostendens, in adipe multa situm, ex crypta elevatum illud ligamentum transit per musculorum interstitia externa tunica peritonaei instructum, altera peritonaei pars supra foramen extensa id claudit, si illud ligamentum (cavernosum interne usque ad uterum) extra abdomen manu paululum traha-



tur peritonæum, foramen claudens in his facilius sequitur, facculumque vel sinum format inter musculos abdominales situm, laxato vase spermatico in viris, ligamento rotundo in faeminis sese restituit, & membrana interna in loco annuli forma parvae cicatriculae corrugatae a margine conjunctionis, lamellarum peritonaei productae conspicitur.

§. 23. Locus ipse jam inter musculos sic se habet, recedunt interne in infima parte musculi transversalis fibrae carnae a se invicem, naturaliter non firmiter inter se conexae. alii volunt vasa spermatica, sub musculorum transversalium & obliqui interni fibras transire; hic musculus oritur a processibus transversis veterarum lumborum, osse Ilei, pubis, costis, infra sternum, & inseritur tendine lineae albae sub rectis. Musculi obliqui inferioris ortus ex osse Ilei, ligamento ossis pubis, inseritur lineae albae & quinque costis inferioribus, fibrae ejus, quae carnae, illic loci in ingunie recedunt a se invicem nempe in infima abdominis parte. Omnes fibrae istae cedunt facile pressioni, atque inter has peritonaeum internum cum vasis spermaticis vel ligamento uteri rotundo retractum sinum praedictum capit, atque eo usque facile peritonaei in abdomine relicta lamina descendit, herniam hic sine ulteriori prolapsu formari posse docuit experientia in cadavere ante 18 menses Hagae Comitum dissecto;

§. 24. Verum enim vero musculus obliquus externus, qui a costis carneus ortus, sed tendinosus factus inseritur lineae albae, ossi, pubis, ilei, tendinosa parte incumbens musculi obliqui inferioris carnosae parti circa inguen, supra quam expanditur quasi veli instar tensi & continet stratas partes illic loci ubi vasa spermatica vel ligamenta transeunt, lunula siue pars circuli in ea conspicitur, extremitatibus inferiora spectantibus. Cujus lunulae sima pars nullis fibris obliqui superioris repletur, sub qua lunula vasa spermatica vagina sua involuta, conspersa pinguedine ne facile laederentur a tensa ista aponeurosi, sese subducunt & ad testes transeunt; in faeminis vero ligamentum uteri rotundum exit.



§. 25. Haec aponeurosis impedit ne a vi externa vel interna omni momento hernia producat, atque ea tendinosa expansio valide resistit omni vi viscerum abdominalium, praesertim in gravidis circa annulum, ubi tamen omnes reliquae partes, quae carnae, valde, extenduntur, hinc muscoli sibi firmiter applicantur, quod efficit ne facile per annulum quidquam procidat, vel etiam in annulum ingatur ab externis in internas partes. Canalis autem inter musculos formati longitudo est linearum quindecim ordinario sumpto spatio a lunula usque ad peritonaei membranam tegentem internam, via non parallela cum musculis sed obliqua ad superiorem & interiorem abdominis partem, istud spatium sive ille hiatus inter musculos dicitur (sed male) annulus, aliis ligamentum circulare. De quinto abdominis musculo pyramidali nil dicam, sed in genere hi muscoli peritoneum ambiunt, & fortiter comprimunt loca, firmant viscera omnia in abdomine sita. Interne enim abdominis cavum formatur a peritoneo, quod est membrana satis tenuis, obsequiosa, levigata, ex duabus constans lamellis, cingens interne totam cavitatem abdominis, omnibus visceribus ibi sitis extimam membranam porrigens.

§. 26. Vasa cruralia, ubi egrediuntur abdomine, demonstrant locum, ubi herniae inventae; teguntur peritoneo, immersa pinguedine multa, nullis firmis musculis sustentata, loco sita non adeo difficile cedenti pressioni viscerum abdominalium. tumque contenta supra vasa cruralia inter Iliacum & Psoas egressa sub ligamento vel aponeurosi musculi obliqui externi, de qua hernia videre potes Palfyn, Nuckium & alios. haerent praesertim in foeminis & laxis hominibus supra tricipitem vasa illa (quod notandum) ubi supra spinam ossis, ejus sinulo excepta, egressa sunt, quasi recedunt in partem posteriorem, immersa internis femoris partibus sub ossis eminentia, ubi reconduntur.

§. 27. Spatium cavum inter musculos, repletur vasis spermaticis, tunica vaginali a peritonaei lamina externa producta inter musculos oleo multo in folliculis adi-



adiposis involuta, quae cellulae adiposae externe replent vacuum & lunulae istius in aponeurosi foramen. Sic, ut aditus praeccludatur, nisi has membranulas pertores stylo,

§. 28. De canali ipso inter musculos haec breviter notanda sunt: quoniam apertura in obliquo externo inferior est, superioris interni hiatu, & hic inferior rursus transversalis hiatu, aperturam non esse solum canalem obliquum ab inferiori parte externa ad superiorem internam vergentem, sed quia interiorum fibrae carnea extendi possunt, neutiquam externae aponeuroseos fibrae contactuum puncta variari, atque canalem istum inter musculos abdominales modo longiorem, modo brevior, pro diversa extensione abdominis, recta, obliqua, in curva statura, esse, sicque fieri posse, ut externa hujus foraminis apertura magis vel minus e directo aliarum posita sit, ut clare patet in incurvatione corporis in unum latus; & dein aponeurosin magis tensam supra foramen vel hiatum internorum musculorum in recta statura, quam in curva, magis adhuc in inclinatione corporis in unum latus nempe in opposita parte, minus tendi in latere a curvatura summa, hinc hic annulum brevior, in priori longior esse.

§. 29. Circumcirca annulum paulo notanda sunt vasa epigastrica, ope musculi recti ad superiorem partem abdominis vergentia, duorum vel trium digitorum ab annulo distantia; observantur inter musculos arteriae, venae, nervi supra annulum parvum recte formantes, & FRATER meus inquirens in cadavere faeminino in constructionem annuli, invenit non modo circum annulum texturam praedictam, sed venam maximam, crassitudine minimi digiti, perforantem ab internis partibus abdomen a latere musculi recti, a dextra corporis parte omnem sanguinem ab internis vehementem supra lunulam aponeurosis externi obliqui ad venam cruralem infra inguen.



## CAPUT QUARTUM.

*De signis herniarum verarum.*

## §. 30.

**S**igna herniarum, quibus cognoscuntur, & dein quibus distinguuntur, & medico & chirurgo necessario praenoscenda, atque ita quidem ut ne quidquam dubii restet.

§. 31. Im omphalocèle tumor in initio parvus, aliquando subito magnus, satis aequabilis pressus retrocedens cum quodam murmure, praesertim in decubitu supino, neque ullo modo rigidis musculis, capite atque scapulis elevatis, si facile redeat vel forti inspiratione, vel actione musculorum abdominalium, vel alia quacunque vi, ut tussi, vociferatione &c. est certissimum signum herniae umbilicalis.

§. 32. Si ad pressionem reniteat & murmur quoddam sentiatur, est intestinum fere semper cum omento, si tumor sit laxior instar pulsus nullum murmur vel sonum edens, est omentum. si non totus retropellatur, signum est, omentum hic margini accretum, vel si pars cum murmure intret relicto tumore pulposo, sequaci, intestinum retro pressum, manente epiploo; si totus tumor retropellatur, in omni hernia locus is laxus, & paulo magis tumidus est a sacco peritonaei non repulso sed illic hærente.

§. 33. Quoad signa bubonocèles atque oscheocèles, vel inguinalis incompletae, haec sequentia sunt. Si in inguine subito tumor natus a magna vi, resistens tactui aliquomodo instar vesicae retropulsus in abdomen vel sponte cedens de cubitu, imprimis supino aegro clunibus paululum elevatis in expiratione, est enterocèle; atque ea aliquando ex ruptione peritonaei, si pedetentim ortus augeatur, facile recedat cum sono & murmure quodam, cum aliis signis intestinum prolapsum esse ex dilatatione peritonaei.

## §. 34.



§. 34. Tumor laxior, inaequabilis, pulposior, nullo cum sono retrocedens est omentum, aliquando non retrocedens, quia concrevit cum illa portione peritonaei dilatata omentum, quod tumorem efficit, atque adeo Epiploceles signa eadem hic sunt ut in omphalocele de intestini & omenti prolapsu dixi. Si vero intestinum non recedat, quia concrevit cum partibus adjacentibus, tum *primo* ex relatione aegri ejusque amicorum noscitur, *secundo* ex sono & murmure quod in ipsa tractatione oritur non recedente hernia, *tertio* si intestinum nunquam retropulsum fuerit, sed continuo haerit in peritonaei sacco. id fieri debere videtur, si intestini pars elongata, non totum intestinum in annulum procidat, libera via faecibus concessa, ut habet RUYSCHIUS, PALFYN & LITTRE *Memoir. de L' Accad.* 1700.

§. 35. Signa vero quibus cognoscimus alias partes per annulum prolapsas, ut v. gr. vesicam, sunt, si aeger tumorem habeat in inguine minus resistentem intestino, magistamen epiploo, sed statim eundem cum difficultate urinae, dolore lumborum &c. Est vero alia species periculosior, & dicitur incarcerata, quae fit, ubi via per quam transit portio intestini angustior & contractior est, quam ut retrocedere iterum intestina possint.

§. 36. Et Distinguntur jure merito herniae incarceratae, non solum per sua signa ab alia hernia facile cedente pressioni digitorum, sed & distinctio manifesta est inter virorum & mulierum hernias tales, eae etiam quae a rupto peritoneo producuntur subitaneae sunt, formantque tumorem herniosum, quae a laxato pedetentim; si ea quae subito fit a rupto peritoneo incarceretur, est praesertim tumor durus, parvus, renitens, dolens ad tactum cum dolore lumborum, abdominis, progressu paucarum horarum nausea adest, borborygmi, flatus, vomitus primo ingestorum, postea faecum alvinarum, febris initio mitis, postea acuta, languor, virium debilitas, pallor oris, oculi concavi, singultus, indolentia, flacciditas herniae, mors. Interim alvus nil deponit per inferiora, vel pauca in initio, progressu tem-



poris nulla aliquando inflammatio partis externae, gangraena & sphacelus apparent, saepius non.

§. 37. Et haec est species herniae familiarissimae mulieribus ita ut plures mortuae sint & moriantur quotidie nesciae se hernia laborasse, solummodo conquerentes de dolore colico, & Vomitu; & exercitatos practicos ad mortem fuisse causae & sedis mali ignaros audacter affirmare audeo; at scias eam speciem herniae subito ortam esse parvam atque saepe adeo ut vix sentiatur praesertim in obesis, ubi panniculus adiposus crassior abscondit parvum hunc tumorem durissimum nihil cedentem pressioni digitorum, de quo mulier nihil unquam sentiit ante, & quem saepius ipsa non advertit, nisi a perito inquiratur, vidente symptomata ilei, an etiam in inguinibus tumorem habeat. Haec est illa hernia exigua vix nucem juglandem, vel articulum pollicis aequans, tam fatalis mulieribus, raro in viris manifesta, multoties a medicis non animadversa.

FRATER meus saepius eam observavit, praesertim in muliere quinquagenaria, quae non obesa vix sensibilem instar lapidis durissimam habebat; jurasses fere glandulam inguinalem induratum esse. Haec est illa, de qua dicit Bonetus in notis lib. 3. sect. 29. obs. vj. herniam tam parvam celatam fere usque ad mortem. Quo minor est eo signa sunt manifestiora, symptomata sunt graviora; atque hinc medicus jam scit an crassum an tenue intestinum prolapsum sit. Minor tumor durior, renitens maxime dolens ad tactum, ad motum, cum subitaneo superveniente vomitu, singultu, tensione abdominis, omnium ingestorum, intestinum tenue ileum prolapsum atque hic compressum notat; intra quartum diem fere jugulat, si sibi relinquatur; si major non adeo dolens, renitens, durus tumor, vomitus tertio, quarto, quinto die demum accedat, atque febris, & omnia symptomata minora adsint, colon est.

§. 39. In dextro inguine ut plurimum fit tenuium in sinistro crassorum prolapsus, magis tamen in dextris ob hepar premens



premens pondere suo inferiora abdominis, quam in sinistris fiunt herniae.

§. 40. Incarcerata hernia fit ex ordinaria enterocele, si illic loci retineatur in sacco peritonaei, atque tum signa sint, ut in priori dixi: at non statim sequuntur, potest enim esse sine incarceratione: de signis, aliarum herniarum ut appendiculae caeci atque aliarum partium hic non disputabo. Agam vero praesertim de subitanea incarcerata saepe vulgo medicorum pro miserere habita, & dein de hernia relicta incarcerata facta. De ea hernia, quae fit elongatione portionis intestini cum facili excrementorum dejectione, ab aliis descripta, nihil ulterius dicam, neque de prolapsu utero per annulum.

§. 44. Pauca saltem de illa herniae specie, quae viam vasorum cruralium servat, haec dicam, quod tumor se manifestet sub margine ossis Ilei, neutiquam in inguine, difficillime repellitur, quia contra & supra eminentiam impelli nequit, haeret enim sub eminente osse, hinc manus chirurgica sub hernia applicari nequit, sed contra os pellitur. caetera vero signa sunt eadem, quae de hernia inguinali dixi, quod repetere nolo. Hernias ventrales noscere, cum signa adeo sunt manifesta, longius tractare supervacaneum foret.

## CAPUT QUINTUM.

### *De Causis berniarum.*

§. 42.

**Q**uod herniam ipsam facit, est prolapsus vel omenti vel intestini, vel aliarum partium; at quaenam corpus praedisponunt, causae multae sunt, praesertim vero



tales existunt, quae peritonaeum laxandi, dilatandi, disrum-  
pendi vi agunt.

§. 43. Laxa Membrana peritonaei ex constitutione cor-  
poris talis esse potest, ut in infantibus rachitide correptis,  
& aliis a nativitate abdomen tumidius habentibus, atque  
dein omnia, quae mucilagine, aquositate, vel oleositate fibras  
emolliunt, elasticitatem auferunt, quae nimium extensae &  
separatae non resistentes minimae vi cedunt, peritonaeum  
elongant, atque sacculum formant recipiendis contentis ab-  
dominis idoneum.

§. 44. Qui sacculus praesertim fit in hernia pedetentim  
orta, atque in tunica vaginali; inter muscutorum fibras trans-  
versalis & obliqui inferioris facile transit, donec sub lunula  
erumpens obliqui externi pedetentim tumorem formet bu-  
bonocelen, qui paulatim descendens ad veteribus oscheon  
dictum, oscheo-celen format; hinc saccus a laxato perito-  
naeo productus super vasa spermatica transit sub tunica va-  
ginali, ubi separatus haeret, formatque tumorem intra tu-  
nicam vaginalem, a posteriori parte saepissime vasis sperma-  
ticis accretum vel & supra testem epididymidi, quod **FRA-**  
**TER** meus annis abhinc octo in athleta demonstravit, dum  
apertis membranis externis supra tumorem, tunicam vagi-  
nalem praecidebat, tumque stylo inter saccum & membra-  
nam usque ad peritonaeum adacto haerebat inter duas mem-  
branas in margine annuli interni, saccus ipse satis crassus in-  
minus recenti hac hernia, apertus serosum laticem contine-  
bat. vel & membrana peritonaei interna, cum principio tu-  
nicae vaginalis una propulsa, & elongata supra tunicae e-  
jusdem vaginalis in inferiorem partem, saccum duplici mem-  
brana praeditum formant, neque tum supra testem imme-  
diate haeret hernia. **PALFYN** anat. cap. 4. eodem modo se  
habet res in omphaloccele.

§. 45. Sic formari hernias in inguine infantum pariter at-  
que in umbilico non solum constat; sed peritonaeum retro-  
tractum usque ad aponeurosin (cap. 2.) descendere in con-  
fesso est; & sacculos sic formatos non sub tendine eruptos  
observa-



observarunt practici, & in cadavere publice dissecto ante paucos annos demonstratum, & , nisi vis major accedat, herniam non producit extra obliquum superiorem musculus, inde videtur, hic hernia incarcerata vix fieri, non ut in alia specie, ubi sub lunula exprimitur.

§. 46. agunt omnia aquosa vel mucilaginoso in fibras, non autem solum in fibras peritonaei, sed & musculorum atque intestinorum, unde motus peristalticus perit, infarciuntur & extenduntur flatibus intestina & excrementis, atque in tumorem elevantur; in tumorem elevato abdomine fibrae musculorum separantur, hinc non adeo resistunt illic locorum ubi peritoneum est simplex, facilius prolabantur contenta. Infantes qui saepe butyraceis & oleosis utuntur, his subjiciuntur, laxatione fibrarum, atque infarctione intestinorum, unde pondere suo ad laxatum annulum prolapsae partes, tumido abdomine, vi, nempe tussi, vociferatione & propelluntur; toto orbe celebris BOERHAAVIUS in praelectionibus practicis, religiosus pisces cum oleo multo comedentibus familiares hernias dicit: sic balnea immodica & intempestiva post pastum, potationes copiosae, alvus adstricta disponunt, ut facilis hernae locus.

§. 47. Dispositis sic partibus, si concipiamus abdominis viscera replere id cavum, atque omni peritonaei puncto applicari, annulo intestina ut plurimum, umbilico epiploon, facile herniarum ortus patet. Fortiter stringuntur viscera a peritoneo & musculis, nam si digitum in apertum abdomen intrudas stringitur fortiter, at omnis vis ruit quasi in apertam & non resistantem viam, hinc viscera per hanc quasi expelluntur actione musculorum & diaphragmatis; quod in respiratione descendit atque omnia contenta pellit deorsum, quo tempore omnes muscoli relaxantur, sed dum agunt, ea pars ubi hernia nullis sustentata fibris musculosis, neque lamina externa peritonaei, non retropellitur, in margine vero potius constringitur; adde quod illic loci fibrae laxius cohaereant.



§. 48. Igitur hoc loco disputandum de causis aliis, ut vociferatione, clamore, cantu, flatu oris, tibiciniis, & omnibus quae magna inspiratione pulmones valide replent, diaphragma descendit, premit omnia viscera fortiter ad omne punctum abdominis, applicantur omentum & intestina ad loca herniarum, mox reciproca actione musculorum diu continuata, omnia viscera coercentur atque per foramina & in laxato & elongato peritonaei sacco jam haerentia, ubi nulla resistantia, protruduntur extra abdomen.

§. 49. Autopsia in vulneratis, & aperto umbilico natis id confirmat, a<sup>o</sup>. 1722. & 1725. FRATER meus infantes vidit re-feratis umbilicis, in quibus hae actiones clarissime oculis patebant, namque antequam respirabant, nil exierat, a respiratione omnia per foramen propellebantur: Lapsus ab alto in pedes pondere, subitaneo viscerum descensu & vi id efficiunt in hominibus erectis magis, in quadrupedibus minus; subligacula in medio abdomine in infantibus pariter ac adultis adeo contemnenda & generi humano noxia, nefaria illa methodus nutricum, qua fasciis constringunt abdomen relictis inguinibus (nonne melius haec firmare?) comprimendo medium ventrem efficit, ut omentum & intestina ad inferiorem partem abdominis pressa quasi totidem viribus expellantur.

§. 50. Infelicique omine herniosos producant, praesertim si praedictae tum aliae causae concurrunt, ut clamor, vociferatio, saltus, lapsus & quaecunque alia vis, ut erectum atque extensum nimium corpus in curvatio nimia, cursus nimius, jactus quorumcunque corporum, ponderum elevatio, succussiones nimiae, coitus immodicus repleto corpore, onerum portatio, causae praedictae herniarum; atque ex praedictis facile explicantur, hinc tibicines, cantatores, concionatores, bajulitussiculosi, cursores, magis hi obnoxii, praesertim si his jungas viscera cibis aut excrementis infarcta, vel cum praedispositis partibus.

§. 51. Ea etiam quae peritonaeum dilatare valent magis & facilius producant pedetentim, sed & ea quae peritonaeum,



naeum disrumpunt, subito hernias producere possunt; vis magna quaecunque illata, quae contenta contra eas partes non firmatas premit, atque disrumpi facit, quae consideranti satis patent: neque de causis aliarum herniarum hic plura dicam, longus nimis essem, atque propositos disputationis limites transirem: verbo dicam, omentum magis descendere, herniamque facere ex dilatatione, si solum, forte nunquam ex ruptione peritonaei producit propter levitatem atque oleositatem, videatur PETRAEUS de herniis. Atque id ut plurimum in parturientibus a nixu majori in exclusione infantis, graviditatis tempore enim omnia versus superiora pelluntur & posteriora ab utero extenso inferiorem & anteriorem abdominis partem occupante, unde omnibus coarctatis omentum vel cum hoc intestinum per dilatatum vel ruptum peritoneum transit, tumoremque format umbilicalem, in iis quae saepius parturiere herniae ab alia quacunque vi magis fiunt in inguine ob laxatum non modo & rugosum peritoneum & membranas externas laxius cohaerentes, sed ob peritoneum sponte quasi secedens in diverticulum supra ligamentum rotundum in inguine, in quibus notandum, quod si omentum herniam inguinalem former, totum omentum alterius lateris devolvatur ad inguen herniosum uti PRAESTANTISSIMUS ALBINUS Elapsis abhinc duobus annis demonstravit.

§. 52. Causae herniae incarceratae sunt, si nempe contenta per annulum nimis coarctatum prolapsa retraheri, repelli, vel recedere non possint. Quod fit, si intestinum flatibus vel excrementis repletum subito pellatur per annulum, atque illic duplicatum haereat, ita quidem ut extra abdomen contenta, materies extendens intestinum atque inflans per coarctatum annulum repelli nequeat in abdomen, atque quo plus extenditur extra annulum, eo plus arctatur canalus in annulo elongatione peritonaei, in ea herniae specie, quae facta primo, postea incarcerata fit. si cavitas intestinorum excrementis vel flatibus adeo repleatur, ut superne in annulo claudatur, forte intorquetur saepius intestinum,



stinum, sicque impedimento est ne faeces retrocedant vel flatus; vel & incarcerata hernia dici potest in Epiplo-cele, si in annulo adeo comprimatur pars elapsa major, quae reduci non potest, ut circulus humorum, adipis, sanguinis &c. cesser, stagnent liquores atque indolem suam sequantur, unde effectus ex necessitate funesti sequuntur; sic & de aliis herniis incarceratis ubicunque locorum judicandum; adde quod reductio difficilior, si consideres intestinum supra anulum in cavitate abdominis aequae extensum & tumidum illic haerere, quam extra anulum in peritonaei sacco.

## C A P U T S E X T U M.

### *De Effectibus Herniarum.*

#### §. 53.

**P**ro materiae elapsae differentia, magnitudine, loco, different effectus, conveniunt tamen in multis inter se: omenti prolapsus per umbilicum producit tumorem inaequalem, non adeo resistentem, facile margini umbilici accrescentem, continua respiratione protruditur, unde coarctatur, pars intumescit facile, deorsum trahit ventriculum colon & alias partes, quibus annectitur, unde dolores, tensiones, anxietates, post pastum, aliquando nausea, intestinum colon intumorem, aliquando ventriculus & omnia contenta abdominis ut lien, hepar, intestina, protruduntur, ut vidi in infantis umbilico resecato, ubi omnia contenta supra abdomen quasi ex duobus truncis haerebant, stomacho nempe & recto intestino relicto abdomine parvo, plano, contracto per musculos abdominales, si id fiat sequitur vomitus, alvi adstrictio, & fit in hac umbilici circumferentia coarctatio elapsarum partium, vel dilatatio ipsius umbilici.

§. 54. Si coarctatio fiat, hernia in carcerata oritur, &  
omnes



omnes functiones laeduntur eo modo uti fufius de hernia inguinali: fi omentum cum intestino haereat fimul extra abdomen citius fiunt infra dicenda; effectus herniae inguinalis, Epiplo-cele fit, praeter figna priori cap. 4. data, dilatatio annuli, prolapsus continuus, facilis accretio cum facco peritonei, devolutio totius omenti ab alia parte verfus partem herniofam, qua continua vi mufculorum & diaphragmatis pellitur verfus partem non refiftentem, retrotractio ventriculi, coli, atque lienis. fit incarcerata facile, tumet omentum in facco, dolet, inflammatur, facile gangraenescit, praefertim fi vis externa inferatur tumori, ut vidi in faemina fere sexagenaria herniofa; quae vitia facile communicantur omni Epiploo, ventriculo, unde vomitus stercorei, dolores, inflammationes, putredines earum partium, febris acuta continua, fitis immenfa, convulfiones & mors. ifta mulier omnia fymptomata enteroceles constrictae habebat; fecta nullum intestinum inveniebatur, fed Epiploon gangraenosum in cavo abdominis ufque; qui fcit cohaefionem, novit huic parti dare arterias gaftro Epiploicas venas &c. cohaefionem cum colo, liene, ventriculo, is facile comprehendit omnia. Atque fic ea mulier quinto a coarctatione die cultro chirurgico dato ut operatione inguinali reftitueretur, cum omnia videret habere fymptomata intestini constricti, exhibuit nobis rete gangraenosum facco peritonaei contentum & accretum, in cavo abdominis ufque ad partes annexas putridum, graveolens; ablatum quo usque ars permittebat, nil folatii attulit, nullum aderat intestinum, increfcebant excrementorum vomitus, fingultus, febris, fitis maxima, atque fubita rejectio affumptorum per os, frigus extremorum, mors quarto die ab operatione, toto tempore ichor graveolens, ferosus, nigricans per vulnus excernebatur, labia fine pure ficca erant.

§. 55. Signa quibus tenue vel crassum intestinum prolapsum judicamus, dixi; effectus sunt vero nulli notabiles fi non comprimantur, fed, ni retineantur, continuo plus protruduntur, ita quidem ut pedetentim dilatato annulo omnia

D

viscera



viscera in scrotum decidant, ut videre Hagae Comitum in viro fere septuagenario ubi ventriculus & omnia intestina cum mesenterio in scroto: ut a Mekerem *cap. 5.* tum debilitas, quae alias non notabilis, augetur, abdomen coarctatur, muscoli abbreviantur & sese accommodant semper quantitati contentorum, ventre carent fere, emaciantur ob coarctatos canales intestinorum, dein elongatione mesenterii, qua vasa lactea longiora facta & arctiora pedetentim clauduntur nil transmittunt; alvus adstricta, prostratus appetitus, virium debilitas, mors. Saepe oedema pedum praecedit, atque tum in sacco dilatato quantitas serosi laticis invenitur a compressione vasculorum & ex pressione liquidi non facile absorbendi in hac praeternaturali membranae extensione.

§. 56. Incarceratae herniae effectus jam capite de signis explicui partim, tumor, dolor praesertim ad tactum & ad quamvis inspirationem, non ab inflammatione uti multi volunt, nam plures operationes institutae, ubi nulla inflammatio ab intestino constricto secundo, tertio die, sed a nervis mesentericis compressis, elongatis, extensis, & membrana intestinorum vel flatu vel excrementis summopere extensa, unde periculum ruptionis, & inde nauseae, vomitus per consensum nervorum; alvus nil demittit, quia via clausa ad inferiorem partem, omniaque assumpta & contenta coguntur retrocedere motu peristaltico inverso; dolor lumborum, quia mesenterium illic loci annexum, nervi vasaque sita.

§. 57. Hinc singultus quoque dependet, atque praesertim validior musculorum contractio abdominis; atqui & annuli, hinc via constrictior, quo fit ut reductio magis impediatur, & intestinum magis incarceretur, & constringatur, postea inflammatio accedit, unde tumet magis tumor, gangraena, frigus & mors succedunt, quae inflammatio in illa specie (faeminis familiari) subitanea citius accedit cum subsequenti gangraena, quam in hernia casu incarcerata ex longiori tem-



tempore. Atque hi sunt effectus inguinalium herniarum : facile reliquarum effectus percipies.

## CAPUT SEPTIMUM.

### *De Prognosi.*

#### §. 59.

**Q**uod prognosin herniarum spectat, dependet ea à loco, tempore, ætate, parte elapsa, constrictione atque symptomatibus inde pendentibus. nisi enim liber transitus fæcibus procuretur vel citius vel tardius inevitabilis mors sequitur, in aliis herniis non incarceratis mala hinc sequentia non adeo timenda. Sed cum incarcerata, in herniosis singultus malum, atque in ileo excrementorum vomitus pessimum, convulsio subsequens mortem; dolor subito sublatus cum pulsu parvo mortem instare docet; Extremorum frigus cum sudore frigido breviter moriuntur; tensio in parte sublata sine causa portendit mortem, atque tum hernia retropulsa nil solaminis affert, praesertim si debilitas virium, pulsus parvus &c. adsint ut multa comprobatum est experientia. facies livida pallida, frigida, cum singultu mortem denotat. abdomen tensum, durum, dolens ad tactum pessimum; inflammatio externa mala quia designat ab internis communicari.

## CAPUT OCTAVUM.

*De Cura herniarum.*

## §. 60.

**S**i in omnia inquirerem, & diversas hernias tractandi methodos examinarem, longus essem; sed breviter dicam, in omni herniarum specie indicationem duplicem esse: requiritur enim primo reductio partis in locum naturalem, deinde retentio, nam impediatur necesse est, ne recidat extra cavum in alium locum.

§. 61. Cui satisfaciendo satisfit imperfecte retropulsione contentorum vel sponte, dein brachieriis applicatis, quibus fit ne omentum vel intestina in locum recidere possint, idque & in umbilico & inguine, in inguine præsertim tota cura dependet a pressione aponeuroseos obliqui & musculorum abdominis in ligamento circulari. pessime agunt, qui infra annulum comprimunt, & nil proficiunt, quia contenta continuo inter musculos procidere possunt in sacculum herniae; compressus vero locus firmatur, atque in juvenibus via clauditur membranae sacci sibi agglutinatae, vel simul sacculus cum contentis in abdomen propulsus, postea circulare ligamentum comprimendo, clauditur; sed raro in adultis procedit, qui perizoma per omnem vitam secum ferre maxima coguntur cum ratione. In hernia umbilicali retinetur comprimendo &c., & sic de cæteris.

§. 62. Herniam inguinalem incarcerari quia viderunt, cogitarunt de cura certiori eradicatoria, quam variam esse & fuisse videbis; in eo conveniunt omnes, præsertim AEGINETA sacculo septimo & AETIUS, viam interceptam esse ne excidere possit; sed in modo, quo, differunt.

a. Quidam cauterium simpliciter applicuere sine vasorum læsione ROLFINCIUS *lib. 3. cap. 6.* describitur etiam  
apud



apud THEODORICUM *lib. 3. cap. 33.*

b. Alii improbant ob periculum & difficultatem ut LANFRANCUS.

c. Cum intestinum in inguine in sacco haeret, cauterisationem ad os usque probant BRUNUS & ROLANDUS *p. 127. sub L. H. C. X.*

d. Excogitavere & methodum uncinis elevando didymum, spatulam infra ponendo, cauterium sub didymo applicando ad os usque, didymum ligando, ita quidem ne constringatur; sicque decubitu post separationem totalem curam expectant & haec est in oseheocele: LANFRANCUS *doct. 3. tract. 3. cap. vij. & pag. 242.* PETRUS DE DYA ex GUIDONE DE CAULIAEO.

e. Alii cauterium potentiale repulso prius intestino parti applicuere, unde crustae separatio, retractio, sacci corrugatio & sanatio THEODORICUS & PETRUS DE ORBIATO, JOANNES DE CREPATIS, PETRUS DE LARGALATA *p. p. 113.*

f. Punctum aureum multis arridet, quo intercipitur pars viae.

g. Improbant alii interceptionem sacci peritonei ex parte, quia intestinum per reliquum impressum & illapsum sine externo signo, mortem adfert. BAUHINUS *lib. 1. cap. 9.*

h. Praesertim vero punctum aureum improbat ROLFINGIUS *Epist. met. cogn. & cur. morbos cap. 26. lib. 3.*

§. 64. i. Castratio multis arridet quae est plurimorum Empiricorum hodierna methodus detestanda generi humano GALENUS *lib. 1. Isagoges* & BRUNUS LONGOBURGENSIS quae fit retropulso intestino interceptis in inguine vasis filo, abscissis in interiori parte, separatione facta retrahuntur. sanat certe, sed nefanda & summopere noxia methodo curae. Alii ligabant vasa spermatica non refecando testem, nam habet testis lateralia vasa quibus nutritur, sed impotentiam profert, ut habet PALFYN.

k. alii improbant, ut habet LANFRANCUS, & ALBUCASIS *cap. LXVII.*, negat & CELSUS incidendam herniam si multa intestina prolapsa sint.



§. 95. l. apertione sacci repulso intestino vel omento vel abscisso si accretum; hodierna videtur methodus; cognita verò veteribus fuit, & haec sequentia fiunt: apertis integumentis saccus vel inciditur suppuratur vel extrahitur, ligatur vel abscinditur, tum ajunt post sanationem peritonaei viam intercipi atque nunquam hernia in posterum laboraturos. novum inventum multi gloriantur, sed sciant hi *ab* AETIO, qui vixit saeculo quarto, tam distincte & clare hanc operationem descriptam esse, ut nemo melius de hernia inguinis mulierum, in tetrabibilo 4to pag. 1022. cujus verba addam;  
 „ mulier itaque supina declivibus cruribus locetur, & re-  
 „ pulso intestino locus circa inguen oblique secetur, & tu-  
 „ nicae cuti subjectae sensim excoriantur, atque ita laxata  
 „ peritonaei membranae pars attrahatur & extendatur, &  
 „ intestinum diligenter repellatur, & quod superfluum est  
 „ de peritoneo deligetur, ac consuatur, & tunc quod su-  
 „ pra futuram extat supervacuum resecetur. deinde labia se-  
 „ ctionis cutis duabus aut tribus futuris adducantur &c.  
 periculosam abscissionem & apertionem peritonaei in gene-  
 re multi veteres credidere propter spasmus & alia incon-  
 venientia, ut ALBUCASIS.

m. sed optime negatur a ROUSSETO cap. vi. ideo non timendam hanc operationem affirmante experientia.

§. 66. Propero me ad demonstrandum quomodo, si hernia in carcerata sit, restituatur; five eam incarceratam velis subito, ut in mulieribus saepe fieri dixi, five herniam ordinariam ex flatu vel excrementis repleto intestino incarcerari, quarum curam antiquis notam, suo tempore fere exoletam egregie notat ROUSSETUS ac denuo institutam cum successu tam in simplici quam in incaptiva a duobus chirurgis, *Florentio Vallee Aureliano & Borliveto montargiensis cap. v. sectionis 2dae. & tertiae.* hernia itaque incarcerata restituitur:

1. Repulsione faecum, flatuum, quibus relaxatur intestinum, atque emollientibus, fotu animalium vivorum dissectorum, calidis oleosis clysmatibus, id juvatur, dein restituitur manu, situ.



2. Auferendo obstaculum, quo impeditur ne omentum, intestinum & faeces in abdomen retrocedere possint.

3. Repulsione partis elapsae.

4. Impediendo ne denuo procidat. Restituta pars elapsa retinetur fasciis, perizomate, decubitu supino, impediendo ne tussiat, sternutet, de his nil ulterius dicam.

§. 67. Si omnibus emollientibus cataplasmatibus, fotibus aperientibus, flatus discutientibus, nihil proficiatur, atque his partes emolliendae relaxandaeque non cedant, & situ, decubitu, sanguinis missione, clysmatibus oleosis, manus opera restitui nequeat; neque fortioribus clysmatibus, in flatuione follis, fumo tabaci, quae tamen male hic applicantur, irritant enim, nimium inflammant, credunt enim inflatione retrocessurum intestinum.

§. 68. Si nec frigidae impositae tumor cedat, qua conantur etiam flatibus repletum intestinum cogere in minus spatium, quamvis in tali casu magis conduceret punctio acus triangularis parvi in formam troiscar, ut alibi solet ad emitendum flatum, quo fit ut laxatum intestinum restitui possit. si denique nil superfit, obstaculum operatione chirurgica est superandum, idque in tempore, sero enim medicina paratur, ni id observetur.

§. 69. Hernia incarcerata dolens, tumens, tensa cum inflammatione externa in suppurationem versa adjuvantibus emollientibus, oleosis, vel ex consilio in cautius aperta, ut in sexagenario majori in proxima Hagae Pago factum fuit, fundit faeces alvinas &c., relaxatur intestinum, si pars saltem gangrænosa &c, retrocedat vulnus, aliquando clauditur & communi in annulo cicatrice intestinum con-  
crescit, relicta via libera faecibus, hic excrementa, vermes, &c. excreverunt ex inguine; postea restitutus per ordinariam cloacam excrevit. *observ. Ephem. N. C. dec. 2. anno octavo*, vulnerati intestini exemplum, cum intestinorum, praesertim crassorum, vulnera lethalia non sint, totum colon in latere abscissum, excrementa fundens per totam vitam in milite viderunt multi; in inguine idem posse fieri constat. vid. de  
his



## 32 DISSERTATIO MEDICO-CHIRURGICA

his HILDANI *obser.* 72. *cent.* 17. artemque hic eodem modo debere succurrere uti alibi de vulneribus intestinorum patet, quibus plura non addam. Itaque ad propositum de hernia incarcerata, commune incommodum aegri, sumpto consilio, inguinalis operatio unica restitutionis spes.

§. 70. Quam operationem praemissis iis quae necessitas postulat, sic cum successu institutam saepius vidi atque oculis manibusque tractavi; praesertim vero in duabus mulieribus, prima quinquagenaria, altera sexagenaria majori, ubi in prima sine praevia hernia subito intestinum constrictum, omnia symptomata incarceratae herniae violentissime aderant, tumor parvus &c. uti fusius ante dixi, symptomata jam eo usque aucta in ambabus ut singultus & vomitus stercorei non deessent. Itaque corpore horizontaliter posito, capite paululum elevato, toto trunco cum pedibus in eadem altitudine positus, ne muscoli tensi, genibus ligatis fasciis ex linteo, ne retrahere possint.

§. 71. Firmato corpore in lecto, latere opposito manui dextrae operantis luci clariori exposito, digitis tractabatur tumor, atque primo supra medium tumorem, incipiendo ab initio tumoris ubi se manifestat, infra marginem aponeuroseos, sive lunulae istius, sub qua tumor erumpit, signabatur atramento locus usque ad finem tumoris inferiori in parte; tumque assumptis cuticula, cute, panniculo adiposo, manu sinistra externa in parte, committit internam partem elevari manu chirurgi, vel alterius ab altera parte corporis aegroti stantis, tum simul elevant integumenta, atque per lineam ab utraque parte sibi correspondentem ad eandem altitudinem cultellum acutum transfigebat atque dissecabat, acie superius versa, cavendo ne acie vel cuspide laederet abdomen, ut satis secaret tamen, ne pluribus incisuris aegrum fatigaret atque excrucia-  
ret, ne intestinum inferius laederet secando, dein relaxatis integumentis vulneris extremitates retrocedebant, relictas fibras panniculi adiposi forficulis obtusis in extremitatibus lente transcindebat, eaeque fluctuant supra tumorem & mobilitate notae sine ullo periculo.

§. 72.



§. 72. Apparet membrana albescens exterius hinc inde fibrillis ex panniculo adiposo irrorata, haec omni cum cautela eadem forfice transcissa, quae membrana mobilis supra tumorem nisi accreta sit (hinc cognoscebatur quoque non esse tumorem ipsum) exiguo foramine, in foramen conductore immisso usque ad annulum & inferiorem tumoris partem transcindebatur, apparuit intestinum caeruleum vasis rubris sanguineis refertum, non inflammatum. Ea mulier prima quinquagenaria, nil aquae vel feri emittebat ex aperta ista membrana peritonaei cingente ligamentum rotundum, (unde in ea iudicata fuit hernia ex disruptione peritonaei a causa violenta originem habere.) tum pulso parvo isto tumore vix nucem juglandem aequante pulposa pollicis sinistri manus parte versus inferiorem partem inguinis vel ossis pubis, sicque spatio concessio conductori recto, alato, a posteriori parte plano, non rotundo, in apice aperto & oleo inuncto inter intestinum & membranam peritonaei in annulo contentam, introtrudebatur manu fere perpendiculari corpori (quia intestinum tumidum supra annulum eminet) per annulum usque ad interiora abdominis, quod scitur, si depressa manu elevatur cuspis conductoris, & tum externe sentiatur sub panniculo adiposo, signum est non intrare sub aponeurosi inter musculos, sed si non sentiatur, atque tensio impediat elevationem, pertransiit.

§. 73. Deinde depressa manu sinistra tenente conductorem alatum, cujus alae cavae tegunt abscondunt & praeservant intestinum ab omni laesione (uti in tabula annexa patebit), interim manu dextra introtrudit in conductorem crenatum instrumentum in eadem tabula delineatum habens qualitatem conductoris cum cultello recto, in parte superiori elatere posito, cum annexo cultello in inferiori parte, deprimitur elater, elevatur cultellus, cujus mucro in crena conductoris retrocedit atque elevando crenam non derelinquit, sed retrocedens culter elevatus discindit aponeurosin atque partem musculorum; quo tempore cum strepitu dis-

E

filiebat



filiebat supra tumorem magno cum dolore ; neque apex unquam laedit nec intestinum nec alias partes. Interim spongia calida ebria continuo abluatur sanguis , qui saepissime in toto operationis tempore non ad unciam ascendit, tum retrahitur conductor, dein herniarum illud instrumentum.

§ 74. Postea apice digiti dextrae manus sentitur fissum illud obstaculum, atque eodem digito undique sub intestino devoluto sentitur, si alicubi haereat & accretum sit, tum digito separatur intestinum, & retropellitur pulposo pollicis in abdominis cavum cum murmure, & ilico omnis dolor cessat.

Si vero non satis dissectum sit, conductor immissus facilius monstrat viam, atque in hanc forceps vel herniarum instrumentum resistens id difsecat, cavendo, ne intestinum laedatur; in hac operatione naturalem annuli viam sequitur, non ad latus unum aut aliud inclinans ob vasa &c.

§. 75. Sed nota in hac operatione praesertim, quod externa plaga non e directo internae posita sit, sed quod externa in inferiori, interna in superiori parte posita esse debeat, clausis superincumbentibus integumentis, imo vero nunquam plaga interior, si necessitas non urgeat, usque ad anulum extendi debet, quia primo pus facile ex interiori parte effluit, sed secundo supra integumenta non perforata compressio lenis & splenia & fascia impedit, ne in anulum fissum contenta abdominis illabantur, quod necesse est, & porro tertio aponeurosis illa muscoli obliqui aëri non ita exponitur, neque pure inficitur, & integumenta facilius & citius coalescunt.

§. 76. Operatione facta si arteriae magnae, vel venae, (quod raro) sanguinem multum fundant, intercipiuntur filo acu transmissio. Si vero hoc non fiat, (quod plerumque,) linteo carpto cavum repletur, imponuntur splenia supra anulum pyramidalia elevata, relicto vulnere exteriori parum pressa, sed plumaceolis & emplastro tecto & splenis



niis firmatis fascia dicta spica inguinali firmatur pars.

§. 77. Abdomini sub umbilico applicatur Emplastrum ex labdano & diapompholigo ana vel fodus ex flor. chamomillae, sambuc, vino albo incoctis, bis vel ter de die reit-ratis, sed Emplastrum praefertur, quiescat aeger; si bene cedat operatio, cessat dolor, singultus, tensio, febris &c. ilico. Saepissime contenta retinent & cibos assumunt aegri, ut in hac prima faemina plurium matre, si alvum non depouunt duodecim horarum spatio ob intestinum laesum, emolliente clysmate antiphlogistico sollicitanda est.

§. 78. Accidit aliquando ut omnia symptomata non cessent statim; sed brevi post dormiunt, neque unquam de magno dolore in vulnere conqueruntur, sed si operatio diu durat, fere convelluntur, ut aliquando accidit operanti, facta sectione cessare spasmi, praesertim vero crurum; si operatio dolorosa, pacatur motus per anodynum post operationem sumptum, quiete, victu humido, pauca excrementa linquente, decoctis antiphlogisticis emollientibus, si alvus non respondeat clysmatibus quotidianis, vitet frigus, si tussis adsit, sopiatur opiatis, quiescat in dorso toto curationis tempore, neque unquam obambulet, sic se habebat operatio in prima.

§. 79. In altera sexaginta trium annorum, quæ ex tussi rheumatico tumorem parvum inguinalem contraxerat, omnia sese habuere ut in operatione prima, excepto, quod aperta una membrana peritonaei saccus cum contento intestino apparuerit, quo cum debita praecautione transfosso, feri limpidi quantitas effluxit, de cætero eadem fuere ut in priori. Cursus curae ab operatione usque ad restitutam sanitatem alius in utraque fuit.

§. 80. In prima dolor & omnia symptomata statim evanuerunt, haec altero die post acceptam plagam cultro submittebatur, statim deponebat alvum, pus laudabile erat, sed quinto die cum omnia se bene viderentur habere, correpta dolore lateris, nausea, vomitu, febre injectum clyisma fuit, ex-



crevit lapillum, hinc omnia evanvere & jam restituta bene valuit sine signo herniae vel recidivae, secum ferens cicatricem retrotractam cavam in annulo exterius accretam.

§. 81. In secunda cui tertio ab insultu die operatio facta est, post operationem altero die anodynum propinatum obtusum & dolorem, febris & nausea aderant, injectum clyisma, aquae multae faetidae, serosae, quasi furfuraceis interspersae, excrementosae, sed ex adipe corrupto productae ex vulnere profluxere, idque quotidie ad uncias aliquot, debilitas aderat, sed evacuatis aquis ex abdomine per apertum annulum, pus laudabile decimo apparuit die, tussis atque tensio abdominis cessabant, intra vigesimum quartum diem restituta nunquam de hernia conquesta adhuc dum vivit. sectae hae binae anno vigesimo septimo supra 1700. fuere. haec species herniae producta videbatur a peritoneo saepius laxato usque ad aponeurosin obliqui externi propulso, tandem tussi sub ea delapso cum intestino.

§. 82. De hernia veteri postea casu incarcerata in alia faemina triginta sex annorum restituta, plura possem dicere; in hac tumor magnus,ensus, quarto die ab operatione restitutus, apertione totius sacci, aponeuroseos dissectione, longa suppuratione curabatur, in qua muliere effluxus feri vel lymphae signum sacculi aperti erat, sed brevi tempore intestinum rursus prolapsum coegit perizomate similia symptomata praevenire. De applicatione remediorum externa nil dicam, quippe ea, quae lenia, nervis amica, putredini resistencia applicanda, rara deligatio.

§. 83. BARBETTE operationem supra annulum volebat institui in ileo, (sed male) intestinum retrotrahere, quod impossibile: constringitur enim nimium, ac si accretum. Restat adhuc quidquam dicere de Entero-epiplo-cele captiva, post operationem repulso intestino omentum filo ligandum usque ad annulum, vel paulo alterius extrahendum, dein ligandum, postea ultra ligaturam secandum, an-

sis



sis externe pendentibus, retrotrudendum paululum in abdomen, post separationem ordinario modo curandum. Si rete peritonaei sacco accretum, separandum & ut prius dixi agendum est, plura adhuc de Epiplocele inguinali, umbilicali atque earum Encheiresi Chirurgica dicere possum, ut & de diversa operandi methodo, instrumentis & quæ desuper adducere possem, sed hæc B. L. sufficiant, cum disputationis inauguralis limites jam fere excedant.

## T A N T U M.

## T H E S E S.

## I.

*Hernia oritur ex dilatatione & ruptione.*

## I I.

*Omnis inflammatio haeret in vasis arteriosis.*

## I I I.

*V. S. Aliquando est summum cardiacum.*

## I V.

*Fibræ ventriculi minimam partem tribuunt expellendis per pylorum ingestis.*



# TER INWYDING

VAN DEN HEER

MARTEN WILLEM SCHWENCKE.

'k **G**eeft thans den vryen toom aan myn geregte vreugt  
Nu gy, o WILLEM, in het lieflykt' uwer jeugt,  
Verkrygt de schoonste krans, die immer wiert gegeven :  
Een krans die voor den Schedel groeit  
Van hen, die onvermoeit  
Ten dienst van 't krankbedt leeven.  
Uw geeft, uw inborst eischt myn digt.  
Wat ben ik aan uw vrientschap niet verpligt?  
Wat niet aan uw beroemden Broeder?  
Der Artzen Eer en Roem,  
Dien 'k myn Mecenas noem,  
Hem, dien d'Ontleedkunst houdt voor haren steun, en hoeder.  
Maer zagt, wat stoort my daar ik zing?  
O vreugde! Febus met zyn reien,  
Komt uwen lof al quelende verbreien.  
Zoo groot een gunst voegt aan zoo braef een jongeling,  
Die van zyn eel vernuft ons blyken heeft gegeven:  
In zyn geleert vertoog, met zoo veel kunst geschreven;  
De Ryngodt weet met hoe veel vlyt  
Gy aan Geneeskunst hebt uw ziel en zin gewyt:  
En hoe gy noit meer waert te vrede  
Dan als gy uwen tydt in wyze blaên bestede.  
Hy steekt op 't aangenaem geluit  
Het hoofd ten golven uit,  
En maekt een bly geschater,  
Omringt van Nymfen, die vast dartelen op het water.  
Elk, elk van haer wenscht u geluk.  
Uw heil, dus roepen zy, groei aan met uwe jaren,  
Leef lang vol roem, en zonder druk,  
Der Goden gunst moet u bewaren.

H. KAAU MD<sup>R</sup>.



O P D E  
GENEES EN HEELKUNSTIGE REDEVOERING  
O V E R D E  
B R E U K E N.  
V A N D E N H E E R

MARTEN WILLEM SCHWENCKE.

*Als zyn Ed. tot Arts wierd ingewyt.*

Gy die Genees en Heelkunst mint!  
Hier kunt Ge uw keurig oog verzaden,  
Zo Ge ooit verstand en oordeel vint,  
Gy vint ze in deze goude bladen.  
Hier ziet Ge, hoe 't Bataefs Atheen  
Niet minder boogt op Hippokraten,  
Als 't oude Griekenland voorheen,  
Tot heil der kwynende onderzaten.  
Hield eer het Griekze Wonderligt  
Door 't kweken van verheve Geesten  
Zyn Vaderlanders duur verplicht;  
Zy schoeyen op geen andre leesten,  
Zy brengen meê Vernuft en voort,  
Die van een eed'len drift gedreven  
En door hun voorbeeld aengespoort;  
En Ziekte en Dood in 't aenzigt streven.

*Fre*



Tree toe! beschouw dit klein tafriel!  
Hier ziet Ge op 't heerlykste de Breuken  
Gemaelt door Willems kunstpenceel,  
Dat nimmer tyd of Nyt zal kreuken.  
Ge ziet haer in 't verschiet verwoet  
Den armen Sterveling bespringen,  
Die radeloos en zonder moet  
Om bystand smeekt de Hemelingen;  
Maer blonde Cynthius daelt neer  
En doet haer vlugten voor zyn benden  
Voorzien met juist gewrogt geweer:  
Zo moedig stort Hy ze op de Lenden.  
Dit is het stuk dat SCHWENKE U toont  
Verhef hem vry met eergezangen:  
Want zo de kunst ooit word gekroont  
Moet hy een dubble kroon ontfangen.

J. F I L D A R.

MED. CANDIDAT.







